



In sabeda ai 17 de má él gnü sughé la nona partida de campionat de 3ª categoria indô fora de óiasa cuntra la squadra da Aicha. Ince sce La Val pò sperè tla promoziun cun les partidas de dezijiun, ne éle gnü lascè degügn punc sön le bel ciamp a Aicha. La Val porta a óiasa la devènta por 2 a 1.

Les condiziuns dl ciamp é otimales, n pü demanco le vënt, che fej indirizé le pal de vigni vêrs y mêt a dūra proa i sogadûs. Da nia se desmentié les dezijiuns arbitrales, che vëgn influenzades por dõta la partida dai scrai dl publich y suradõt dai scrai di sogadûs. La squadra de Floriani cunësc bel bun le Aicha, do avëi sughé ince te copa decuntra. Ince sce le Aicha é plazada al ultim post él gnü mostrè da pêrt súa na gran determinaziun a combat cina ala fin dla partida.

La partida mêt man bun por la squadra ladina, ince sce le pal é tröp tl'aria, é i atacanc bugn de tigni sö le pal y jì cuntra porta. Al ne passa nia tröp tēmp che Emanuel D. fej bel le pröm gol. Al é bun de puntè 2 defensurs y se porta insciö da na pêrt it cuntra porta, la trata ti rüva sura le cé dl portier ite. Les fascas fej ince n gran laûr, trê vegnèl puntè le defensur avversar y tut spo la strada plö cürta cuntra porta. Alex E. atoca ince insciö la stangia de porta dô n bel assist de Alexander y n bel inserimënt amesa l'area. Le jüch dl'Aicha se basëia tröp sön lanci dla defenjiun cuntra porta, daulache le atach sterch ti dà laûr al portier Lukas. De beles combinaziuns vëgnel lascè udëi ca dant, mo le ultim pasaje che pudess ester fatal, ne ti garetà nia ai sogadûs. A Alexander ti vëgnel ince anulè n gol por forajüch, dassën tl dübe, sön n rinvio dl portier é Alex E. che abina le pal al jore püch sura le mezciamp, la bela trata vëgn architada sö da Alexander che se ôsc y cun na trata basa fejl balè la rëi. Nia da nen fà, le gol vëgn anulè.

Dan la fin dl pröm tēmp é Marco C. che fej na bela surapoziziun y va da na pert jö cuntra porta, le verda porta dl'Aicha prô dal anticipé, ti röia adôs y sciüra le defensur sot y sura. Le arbiter ne vëiga degun fal y ne sciüra nia le önescmetri. Marco é ia por tera mo les protestes da pêrt de düc i sogadûs ne porta a nia, sön chësc episode ne é la dezijiun arbitrala nia stada dërta.

Le prom tēmp se röia sön le 1 a 0 por La Val, te chësta pêrt dla partida à La Val albü plö ocagiuns por stlù jö la partida.

Le secundo tēmp é plö rich de aziuns y ocagiuns. Atira ne garetêl da trames döes pêrts gran tröp. La pröma ocagiun é le Aicha che à, sön chëra che al vëgn segnè le gol. Sön na puniziun dal ciantun röia le pal sura Lukas fora y abina la stangia de porta, le pal ti röia sön le pé a n'atacant che pò insciö l'apogé te porta. Sëgn é i sogadûs da La Val che ciara de fa jüch y atachè la porta. Bele dô le gol él n mioramënt dl jüch a mezciamp, al vëgn indô sughé cun le pal bâs y cun de bí pasaji in profundité é les fascas che röia plö iadi a contlujun. Le portier dl'Aicha

é bun da cōi fora na bela trata sōn punizun de Micky. Le pal é indirizé dlungia le palo it mo le verda porta é ciamò bun de le devié dlungia porta ia. Le medemo Micky porta spo le secundo gol a La Val, sōn n assist da mezciamp él bun de superé le defensur y cun na bela trata bâsa dlungia le palo it ne ti dal in chësc iade degüna ocasiun al portier da parè.

2 a 1 por La Val y na gran grinta laprò a chiri le terzo y de stlütj jö insciö la partida.

Amez le secundo tēmp é Freddy S., apēna rové te ciamp che vëgn desgort cun la cherta cōcena. A jüch chët é n atacant ia por tera che ti tēgn les giames a Freddy cun les mans. Sōn chësc él Freddy che prô da se delibrè y avisa te chël mumēt é le arbiter che vëiga la reaziun cun na pedada dl centrocampist. Al ne pēnsa nia dô dui iadi a tra fora le cherta cōcena.

La Val rischia ciamò n iade sōn n retro pasaje massa cürt de n sò defensur al portier, Lukas fej chilò n gran antizip y ne lascia nia trà te porta. L'ater iade, a un n menüt dala fin é Lukas che sbaglia n rinvio, le pal ti rōia sōn i pîsc al atacant, mo la trata ne rōia por fortüna nia te porta.

Sōn chësc é le arbiter che sciüra la fin. Trëi bugn punç portà a ciäsa.

La Val resta al secundo post cun 47 punç, do le Rina trës a cé dla tlassifica.

La proscima partida de campionat é in domēnia dales 16:00 te ciäsa cuntra la squadra da Prettau

Formaziun titolara: Lukas Eder, Egon Frenes, Alex Alton, Paolo Vallazza, Marco Castlunger, Max Nagler, Stefan Sottara, Alex Elzenbaumer, Micky Frenes, Emanuel Dorigo y Alexander

Miribung.

Alenadù: Floriani Claudio

Sostituziuns:

Werner Sottara gnü ite imped Egon Frenes (45^ menüt)

Romeo Rubatscher gnü ite imped Alexander Miribung (45^ menüt)

Freddy Sottara gnü ite imped Max Nagler (60^ menüt)

Felix Nagler gnü ite imped Alex Elzenabumer (80^ menüt)

Marti Ploner gnü ite imped Micky Frenes (90^ menüt)

Resultac dles atres partidas: [RESULTA C](#)



per 12.000 € în 2016 și 2017, respectiv 14.000 € în 2018 și 16.000 € în 2019. În anul 2020, valoarea estimată a veniturilor din activitatea de gestionare a terenurilor agricole este de 12.000 €.